

Bosna i Hercegovina  
Federacija Bosne i Hercegovine  
Kanton Sarajevo  
Grad Sarajevo  
Općina Novi Grad Sarajevo  
Općinski načelnik  
Broj: 02/12-19-6850/20  
Sarajevo, 11.6.2020. godine

Na osnovu člana 64. stav (1) tačka b) i člana 70. stav (1), (3) i (6) Zakona o javnim nabavkama („Službeni glasnik BiH“, br. 39/14) i člana 14. Pravilnika o nabavci roba, vršenju usluga i ustupanju radova broj: 09-05-26263/15 od 27.11.2015. godine i Pravilnika o izmjenama i dopunama Pravilnika o nabavci roba, vršenju usluga i ustupanju radova broj 02/12-05-10708/18 od 16.5.2018. godine, a na preporuku Komisije za javnu nabavku radova, Općinski načelnik donosi:

## **ODLUKU**

### **o izboru najpovoljnijeg ponuđača u predmetu – Izvođenje radova na rekonstrukciji ulice Numan paše Čuprilića**

#### **I**

Prihvata se preporuka Komisije za javnu nabavku radova i okvirni sporazum za javnu nabavku u predmetu – Izvođenje radova na rekonstrukciji ulice Numan Paše Čuprilića, broj obavještenja 422-1-3-76-3-58/20, objavljeno na Portalu javnih nabavki dana 28.4.2020. godine i “Službenom glasniku BiH- Oglasnik javne nabavke”, br. 23/20, dodjeljuje se ponuđaču „MGBH“ d.o.o. Sarajevo, sa ponuđenom cijenom za okvirni sporazum u iznosu od 250.292,58 KM bez PDV-a, odnosno 292.842,32 KM sa PDV-om.

#### **II**

Zadužuje se Služba za zajedničke poslove da ovu Odluku objavi na web stranici Općine [www.novigradsarajevo.ba](http://www.novigradsarajevo.ba), istovremeno sa upućivanjem iste ponuđačima koji su učestvovali u postupku javne nabavke, u skladu sa članom 70. stav (6) Zakona o javnim nabavkama, te da nakon isteka žalbenog roka pripremi okvirni sporazum i dostavi Općinskom načelniku na potpis.

#### **III**

Obavezuje se ponuđač iz člana I ove Odluke da u roku od 5 (pet) dana od dana zaprimanja iste, dostavi dokumente tražene u tački 3.1.3. tenderske dokumentacije koji se odnose na član 45. stav 2 tačka od a) do d) Zakona i dokumente tražene u tački 3.3.2 tenderske dokumentacije koja se odnosi na ekonomsku i finansijsku sposobnost. Dokazi koje će dostaviti odabrani ponuđač moraju biti original ili ovjerene kopije i ne mogu biti stariji od 3 mjeseca, računajući od dana utvrđenog kao krajni rok za predaju ponuda.

### **Obrazloženje**

Odlukom broj 02/12-19-6850/20 od 10.4.2020. godine Općina Novi Grad Sarajevo pokrenula je otvoreni postupak javne nabavke - Izvođenje radova na rekonstrukciji ulice Numan Paše Čuprilića, broj obavještenja 422-1-3-76-3-58/20, objavljeno na Portalu javnih nabavki dana 28.4.2020. godine i “Službenom glasniku BiH- Oglasnik javne nabavke”, br. 23/20.

Zapisnikom o otvaranju ponuda od 12.5.2020. godine Komisija je konstatovala da su u predviđenom roku, u propisno upakovanim kovertama, pristigle četiri (4) ponude ponuđača: 1. „Mibral“ d.o.o. Sarajevo sa, 2. „Grakop“ d.o.o. Kiseljak, 3. „MGBH“ d.o.o. Sarajevo i 4. „Ame“ d.o.o. Breza. Zapisnik sa otvaranja ponuda dostavljen je ponuđačima na fax u zakonom predviđenom roku.

Nakon što je Komisija utvrdila da su pristigle četiri ponude, pristupila je analizi i procjeni dokumentacije kojom ponuđači trebaju dokazati svoju kvalifikovanost za učešće u ovom postupku.

Komisija je utvrdila da ponuđač „Grakop“ d.o.o. Kiseljak ne ispunjava kvalifikacioni uslov tražen u tenderskoj dokumentaciji iz tačke 3.4.1. (4) da je ponuđač opremljen neophodnom opremom za obavljanje radova (kamion nosivosti do 10t, kipper kamion nosivosti preko 10t, utovarivač, kombinovani radni stroj -utovarivač-rovokopač, valjak do 2 t, valjak 2-6 t, finišer, rezač za asfalt i beton, agregat 220/400 V i vibro-nabijač skakavac), za što se kao

dokaz dostavlja izvod iz knjige osnovnih sredstava ili ugovor o iznajmljivanju opreme, za kamion se dostavlja saobraćajna dozvola, a za radne mašine saobraćajna ili upotrebna dozvola sa zapisnikom koji dokazuje tražene karakteristike; (original ili ovjerena kopija). Ponuđač „Grakop“ d.o.o. Kiseljak nije dostavio dokaze tražene tenderskom dokumentacijom za opremu: rezač za asfalt i beton, agregat 220/400 V i vibro nabijač-skakavac.

Iz naprijed navedenog razloga utvrđeno je da ponuđač „Grakop“ d.o.o. Kiseljak ne ispunjava uslove tražene u tenderskoj dokumentaciji iz tačke 3.2.1. (4) – tehnička i profesionalna sposobnost, te je ponuda odbačena shodno odredbama člana 68. stav (4) tačka i) Zakona o javnim nabavkama.

Komisija je utvrdila da preostale tri dostavljene ponude ispunjavaju formalno-pravne i kvalifikacione uslove tražene u tenderskoj dokumentaciji, te izvršila računsku kontrolu ponuda koje ispunjavaju sve uslove i konstatovala je računске greške kod ponuđača „MGBH“ d.o.o. Sarajevo i „Mibral“ d.o.o. Sarajevo. Ponuđač „MGBH“ d.o.o. Sarajevo je dostavio saglasnost na ispravku računске greške broj 135/20 od 26.5.2020. godine. Ponuđač „Mibral“ d.o.o. Sarajevo dostavio je saglasnost na ispravku računске greške broj 136-2.1-05/20 od 26.5.2020. godine.

Shodno naprijed navedenom Komisija je utvrdila preliminarnu rang listu ponuđača, a prije provođenja e-aukcije, i to kako slijedi: 1. „MGBH“ d.o.o. Sarajevo sa ponuđenom cijenom za okvirni sporazum u iznosu od 250.292,58 KM bez PDV-a; 2. „Ame“ d.o.o. Breza sa ponuđenom cijenom za okvirni sporazum u iznosu od 256.930,27 KM bez PDV-a, 3. „Mibral“ d.o.o. Sarajevo sa ponuđenom cijenom za okvirni sporazum u iznosu od 263.711,02 KM bez PDV-a.

Tenderskom dokumentacijom u tački 1.5.5. i 5.5. predviđeno je provođenje e-aukcije, te je u skladu sa Pravilnikom o uslovima i načinu korištenja e-aukcije („Službeni glasnik BiH“, br. 66/16) zakazano održavanje e-aukcije na Portalu javnih nabavki BiH za dan 09.6.2020. godine sa početkom u 10:00 sati. Nakon okončane e-aukcije za predmetnu nabavku, a na osnovu Izvještaja o toku i završetku e-aukcije broj postupka 422-1-3-76/20 od 09.6.2020. godine, Komisija je utvrdila da nije bilo podnošenja ponuda, te da konačna rang lista ponuđača koji su učestvovali na e-aukciji izgleda kako slijedi:

1. „MGBH“ d.o.o. Sarajevo sa ponuđenom cijenom za okvirni sporazum u iznosu od 250.292,58 KM bez PDV-a;
2. „Ame“ d.o.o. Breza sa ponuđenom cijenom za okvirni sporazum u iznosu od 256.930,27 KM bez PDV-a,
3. „Mibral“ d.o.o. Sarajevo sa ponuđenom cijenom za okvirni sporazum u iznosu od 263.711,02 KM bez PDV-a.

Imajući u vidu navedeno Komisija je dala preporuku za zaključenje ugovora sa prvorangiranim ponuđačem nakon provedene e-aukcije – „MGBH“ d.o.o. Sarajevo.

Imajući u vidu da je Komisija u cijelosti pravilno provela postupak i da je izbor ponuđača izvršen u skladu sa Zakonom o javnim nabavkama, podzakonskim aktima i tenderskom dokumentacijom, to je shodno odredbama člana 64. stav (1) tačka b) Zakona o javnim nabavkama odlučeno kao u dispozitivu.

#### **Pouka o pravnom lijeku:**

Protiv ove Odluke može se izjaviti žalba Uredu za rmatranje žalbi BiH putem ugovornog organa u roku od 10 (deset) dana od prijema Odluke. Žalba se podnosi u pisanoj formi u dovoljnom broju primjeraka u skladu sa članom 99. i 101. Zakona o javnim nabavkama.

#### **DOSTAVITI:**

1. Ponuđačima u postupku
2. Služba za zajedničke poslove
3. Komisija za javne nabavke radova
4. U spis

